

Director di Museo Historico Arubano Ferdinand Franca

Popchinan casi humano lo conta storia di Aruba den un forma unico

ORANJESTAD – Diadomingo awo, dia 2 di december, cuminsando for di 10'or di mainta pa 2'or di merdia, Museo Historico Arubano lo bay tin un exposicion caminda lo ilustra historia di Aruba den un forma unico. Segun direc-

tor di Museo Historico Arubano, Sr. Ferdinand Franca, ta trata aki di popchinan casi humano cu ta relata historia di Aruba visualmente.

RITA MAASDAMMER
Normalmente ta haya storia por escrito, pero e biala aki,

e artista invita Rita Maasdamme ta ilustra historia for di un otro punto di bista. Rita Maasdamme ta naci na Aruba y a bin specialmente pa Museo Historico Arubano pa conta un tiki mas di historia por medio di su criaturanan, manera e ta yama e popchinan.

COMBINACION DI ARTE Y HISTORIA

Nan ta popchinan casi real cu por wordo identifica como casi humano. Nan tin un vestuario cu Sra. Maasdamme mes ta haci pa nan manera nan sombre, pargata na pia. Tur esakinan ta wordo traha na man. E ta un bista unico y ta duma e ilustracion di historia di Aruba un otro dimension. E popchinan ta wordo poni riba un maquette cu ta forma un escenario. Sr. Franca a relata cu ta escenarionan masha bunita caminda por mira por ehempel e casnan tipico di cunucu. E tipo di escenarionan aki ta conta un tiki mas di nos historia y ta algo bunita pa muchanan mira. Segun Sr. Franca, normalmente muchanan ta haya historia skirbi den un buki, pero den e sistema aki, e muchanan por mira historia y por namora un tiki mas di dje. Esaki ta un combinacion unico di arte y historia. Den e mesun rosea, Sr. ta invita pueblo di Aruba, grandi y chikito, famianan completo, pa bin bishita Museo Historico di Aruba y haya sa un tiki mas di nos historia den un forma artesanal. □




Den e cura di Museo Historico Arubano. Den fondo Willem III Toren.



Cas di antaño.



Alumnonan di scol di bishita na Museo Historico Arubano.



Director di Museo Historico Arubano, Sr. Ferdinand



Willem III Toren.



Parti di exposicion di Rita Maasdamme, ilustrando indjannan.